



21958

III

Mag. St. Dr.

P

*Comes Petrus Rhem**Constantia Sijm. M. p. l. a.**Philippus Wilhelm**Academiae Vilnensis Soc. Jo. Bellariae academicae*

BIBLIOTHECA VITAE

Polon. Hist.

N. 935.






BELLARIA ACADEMICA

1020356

0556

0556

0556



BELLARIA ACADEMICA

Ad Serenissimorum Principum

PHILIPPI WILHELMI

Comitis Palatini Rheni, Ducis Bauariæ, Iu-
liæ, Cliuiæ, Montium, Comitis in Veldentz
Spanheim, Marchia, Rauensburg & Mœhrs,
Domini in Rauenstein, &c.

S P O N S I,

ET

**ANNÆ CATHARINÆ
CONSTANTIÆ.**

Augustissimorum Polonia Sueciæq̃ REGVM

**SIGISMVNDI III. FILIÆ
VLADISLAI IV. SORORIS**

Poloniæ, Sueciæ, &c. Principis

S P O N S Æ

Festas, Fortunatas, Auspicatissimasq̃
N V P T I A S,

Summo gratulandi Studio

AB ACADEMIA VILNENSI Soc: IESV.

Oblata.

VILNÆ Typis Academicis. Anno M. DC. XLII.

S. Augustin: de Ciuit: lib: 14. cap: 21.

Illa benenedictio Nuptiarum, vt coniugati
crescerent, & multiplicarētur, & imple-
rent terram, quamuis & in deliquenti-
bus manserit; tamen antequam delin-
querent data est, vt cognosceretur, pro-
creationem filiorum ad gloriam coñubij,
non ad pœnam pertinere peccati.

21. 958 ^{III}



Domino Clementissimo.
D Sereniss^{mae} Principis ANNÆ CA-
THARINÆ CONSTANTIÆ, vni-
cæ, carissimæq; Sororis Tuæ, VLA-
DISLAE REX Auguste, festos fau-
tissimosq; cum Serenissimo Principe PHILIPPO
WILHELMO, Comite Palatino Rheni, Duce
Bauariæ, Iuliæ, Cluiæ, Montium, Comite in Vel-
dentz, Späheim, Marchia, Rauësburg, & Mœhrs,
Dño in Rauenstein, &c. HYMENÆOS; neq; po-
tremā, neq; vacuā oportuit adesse Academiā hanc
Tuam. Sed quid afferret dignum, vel Maiestare istā
Tuā, vel tam excellēte SPONSORVM dignitate? Non
poterat vtiq; in isto publicæ omniū lætitiæ splēdo-
re, cū suæ tenuitatis, tū eorum qui sibi Pri-
mas meritō vendicarent, muneris atq; officij non
meminisse. PRIMAS igitur MENSAS, quia pro-
ponere non potuit, primū Augustæ Maiestati
Tuæ, & Ser^{mae} CÆCILIÆ RENATÆ Poloniæ
Sueciæq; REGINÆ &c. nec non Ser^{mis} Poloniæ
Sueciæq; Principibus IOANNI CASIMIRO &
CAROLO FERDINANDO Vratislaviensi ac
Plocensi Episcopo, &c. tum deinde ijs, qui ab istā
Maiestatis Tuæ luce, fortunæ radios suæ, primi
accedunt.

AD Sereniss^{ma} Principis ANNÆ CA-
THARINÆ CONSTANTIÆ, vni-
cæ, carissimæq; Sororis Tuæ, VLA-
DISLAE REX Auguste, festos fau-
stissimosq; cum Serenissimo Principe PHILIPPO
WILHELMO, Comite Palatino Rheni, Duce
Bauariæ, Iuliæ, Cluiæ, Montium, Comite in Vel-
dentz, Spâheim, Marchia, Rauësbürg, & Mœhrs,
Dño in Rauenstein, &c. HYMENÆOS; neq; po-
stremâ, neq; vacuâ oportuit adesse Academiâ hanc
Tuam. Sed quid afferret dignum, vel Maiestate istâ
Tuâ, vel tam excellēte SPONSORVM dignitate? Non
poterat utiq; in isto publicæ omniū lætitiae splēdo-
re, cū suæ tenuitatis, tū eorum qui sibi Pri-
mas meritò vendicarent, muneris atq; officij non
meminisse. PRIMAS igitur MENSAS, quia pro-
ponere non potuit, primū Augustæ Maiestati
Tuæ, & Ser^{ma} CÆCILIAE RENATÆ Poloniæ
Sueciæq; REGINÆ &c. nec non Ser^{mis} Poloniæ
Sueciæq; Principibus IOANNI CASIMIRO &
CAROLO FERDINANDO Vratislauienti ac
Plocensi Episcopo, &c. tum deinde ijs, qui ab istâ
Maiestatis Tuæ luce, fortunæ radios suæ, primi
accedunt.

accendunt, lubens volensq; reliquit; contenta abundè sorte suâ, si vel ad SECUNDAS MENSAS locus sibi esset, vt vel BELLARIA exhiberet. Quamquam, vt cæteri omnes Serenissimi istius Hymenæi faces atque lucem splendore opum & auri plurimum auxerint, ne FAR quidem nostrum in hisce BELLARIIS ex vetere Romanorum ritu, ad Nuptiarum fœdera, nihil opis adferet. Nam, *in sacris* (si Plinio credimus^a) *nihil religiosius* CONFARREATIONIS vinculo erat, *Nouèq; Nuptæ FARREVM præferebant*: & in ipsis coniugij fœderibus plus firmitatis habebat CONFARREATIO, quam vel Vfus, vel Coemptio. Sed nos nostra, eo quo decet loco, hoc est, postremo habemus, ac Ser^{mæ} Maiestati Tuæ, quin & ijs, qui honore, magnificentiâ, atq; opibus sequuntur primi vltro Primas damus. Quod enim illi adferunt Tuum est, quia abs Te profluxit; ne illis quidem ipsis inficiantibus, qui sanè non alijs vilius Regis Thronum, æquè ac Tuum, ab HORIS & GRATIIS (vti quidam aiebat^b) vident sustentari. Neq; enim plus apud Te effluit Tëporis, quàm profluat abs Te in omnes GRATIARVM & liberalitatis. Quò maiore fiducia accedit cū suis BELLARIIS ad Maiestatē Tuam, Academia ista Tua, vt cum illa pondus, ab Augusto vultu Tuo, & gratiam sumplerint, plus inueniant apud SERENISSIMOS SPONSOS & vacui temporis, & Gratiarum.

Maiestati Tuæ

Æternum deuota

a. lib: 18. cap: 3.

b. Pausan: in lacon.

Academia Vilnen: Soc: IESV.

I.
SERENISSIMO SPONSO
MANIPVLVS

*Gentilitium Serenissimæ Sponsæ Insigne
Offertur.*

Primus hic è BELLARIIS nostris MANIPVLVS oculos inuitat tuos Sereniss. PRINCEPS. Et quid ni Manipulo inter Bellaria primus debeatur locus, qui, inter PRIMAS quoq; MENSAS, meritò primas teneat? Vt multa sint quæ voluptati seruiunt, PANEM ipsa necessitas poscit. Quid verò panis sine segete? quæ autem leges sine Manipulis? Sed hic aut de Iunco, aut de Scirpo Arūdineuè Manipulus est. Eò nimirum potiore ad Bellaria loco admittendus, quia Saccaro scatet. Norunt Indi, & admiratur, cum de Arundine cibum legunt, quo orbis vniuersus neq; suauiorē, neq; vtiliorem vsquam habet. Saccaron(inquit Plinius ^a) *Arabia fert, sed laudatius India. Est autem mel in arūdinebus collectum, gummiū modo candidū, dentibus fragile, amplissimum nucis auellane magnitudine, ad medicine tantum usum.* Quantū mellis, quantum saccari de hoc Manipulo, fortunatissimis SIGISMVNDI III, & VLADISLAI IV. Imperijs lectum est? Erant aliquando tempora, quibus, vti fortè nō iniuria Poetæ canunt. *b.*

*Flumina iam lactis, iam flumina nectaris ibant,
Flauaq; de viridi stillabant ilice mella.*

^a lib. 12. cap: 8. ^b. Ouid 1. metam.

Quam

A

Quàm verò omnia hæc de VLADISLAI IV. Regno meritò caniqueat, Tute, ipse PRINCEPS Serenissime, gratissimus hoc tempore in Polonia Hospes, didicisti. Beatā enimverò Poloniam! Beatas Regno Poloniæ adiunctas veteris Sarmatiæ regiones! Dū enim Germania, dum Gallia, Hispania, Italia, aliæque Europæ Regna, plusquàm ciuilibus, & atteruntur, & euertuntur bellis, vnica prope Polonia, summo Dei beneficio, & secundum Deum, non minima VLADISLAI, Sapientissimi Regis prouidentia, consilio, ac iustitia, quasi medias inter belli flammæ, secundissimâ afflantium Zephyrorū aurâ, hoc est summâ pacis tranquillitate perfruitur. Quæ verò mella pace ista esse possunt dulciora? quod saccharum acceptius? quæ Bellaria toti mundo gratiora? Eant nunc Persæ cum aurea vite sua, quæ de Mandanes Astyagis Regis Filia vtero assurgens, totum Regnum, & vmbra & fructuū excellentia recreauit. . Nobis Manipulus iste Regius, Gentiliū Serenissimæ Principis Sponsæ Tuæ insigne, quia pacem turbulentissimis hisce temporibus attulit, non vnā, sed innumeras vites aureas omni fructuū copia redundantes, aut protulit, aut seruauit. Nimirū, habet hoc singulari Dei prouidentia Manipulus iste, vt cum linceus sit, aut Scirpeus, nullis aquis obrui, nullis tempestatum fluctibus mergi possit. Faxit vtinam sempiternum Numen, vt cum Manipulum hunc in Germaniam asportaris, pacem, quā in Polonia maxima voluptate tua expertus es, in Germania, vel inuenias, vel, quæ Tua inter sumos Imperij Principes auctoritas est, consilio, prudentia, pietate, fortitudine Tua stabilias.

II.

ΕΙΣ ΤΟ ΒΥΤΑΛΟΝ ΒΑΣΙΛΙΚΟΝ.

ΒΑΣΙΛΙΚΟΝ ΒΥΤΑΛΟΝ ΚΑΤΤΟΝ ΓΕΝΟΣ ΙΣΟΦΑΡΙΖΩ,
ΑΚΤΙΣΙ ΚΑΣΙΤΟΥ ΗΕΛΙΟΥ ΠΑΤΡΟΣ.

Idem.

Scirpe genus Regum, proprio te vestio cultu,
Sol, Pater est. Radij sed tibi vestis erunt.

III.

MANIPVLVS

Serenissimæ SPONSÆ Genus, & Regij
Sanguinis Maiestatem indicat.

Q Vis te benigno fidere defluus
Produxit æther? puro Hyperione
Quæ Scirpe lux infusa, molli
In graciles calamos, apertum
Vocauit umbrâ? quis socio premis
Densum refusas in cumulo comas?
Quis lege perplexus tenaci
Circuit, arbitrioq; nodus?
Quali superbus vertice, Regio
Virere gaudes stemmate? quæ tibi
Lechusq;, Lithuanusq; pronos
Poplite prociduos decorum
Genus supinat! Iam tibi candido,
Per Regna veris, Lilia vertice
Nec erubescendas reclini
Gramine deposuere cristas;

A2

Vinciq;

Vinciq; gaudent: non humilem Rosa
 Molli remittunt murice purpuram.
 Crociq; Calthaq; atq; Acanthi,
 Et Roseis viola capillis,
 Nardiq; latè te populus minor
 Florum, decoro suspicit agmine
 Regem, verecundoq; stratus
 Annuit omnis ager vireto.
 Regnare tantum natus, & horridum
 Domare Pontum, & difficili obrui,
 Per uorticosi terga Nerei,
 Tramise precipitare cursus.
 Scit coruus Ister, scit fa-nularibus
 Subiectus undis Danubius, truci
 Nouit Borysthenes pruinâ
 Et tumido maria alta fluctu.
 Quem tam remoto gurgite Nereus
 Auexit? aut quæ terminat ultimi
 Extrema mundi Thule, auaro
 Abripuit malè surda fundo?
 Cui non, per omnem laus Iagelonidum
 Cantata mundum, rumpat amabili
 Aures tumultu? quemuè nullo
 Cognita transiliat susurro?
 Quis dicat æquo carmine, quæ manus
 In sceptrâ surgant è Iagelonia:
 Stirpe, aut ijt vertex honoro
 Sub Lechicum diadema crine?
 Dicat, reclinis cui toties suo
 Submisit Hemum vertice Concanus?
 Et prata Daci, quæ timendum
 Sub Geticis latuère truncis?

Dicat

Dicat, cruentas cūi male turgido
 Evoluit undas vortice? cui pigrum
 Hæsit manipulis, subducto
 Carpathium tremuit profundo?
 Cūi (quā propinquos asperat horrido
 Campos Bootes frigore) supplici,
 Producta verticem sub astra
 Menia, procubere fronte?
 An non tremendo dum Iagelonius
 Refulsit ensis fulmine, & arduam
 Lucem refudit, qui Polono
 Semper apex radiauit auro?

IV.

Ad Viridē florētēq; Sereniss: SPON-
 SÆ Manipulum Apes Barba-
 rinæ inuitantur.

DITHYRAMBUS

I Te, Nectaris Magistræ,
 Ruris hospitæ volucres;
 Ite, ciues delicatæ,
 Et virentem, quem videtis,
 Spargitote melle Scirpum:
 Melle rami, melle frondes,
 Melle totus turgat.
 O rapax Ales per hortos,
 Nec minus rapax per agros,
 Per vireta, per rosæta,
 Per fragrantē perge flores,

B

Per vi.

Per virentes perge campos,
Funde rorem, funde mella,
Melle Scirpus turgeat.
Quosq; campis, quosq; calthis,
Quos & horris, quos & aruis,
Ebibisti fida rores,
Fida Scirpo redde rores,
Funde mella, finge ceras,
Proq; melle finge cellas,
Mella Scirpum adimpleant.

Dumq; mella, dumq; ceras,
Dumq; fingis cauta cellas,
Quo cies iram susurro,
Qua soles tonare voce,
Nuptiale pange carmen,
Nuptiales adde plausus,

Insona Thalassio!

Ecce Scirpus melle plenus
Nectaris pleno leoni

Iugitur! DVLCEO MELLIS

NATA QVIPPE DE LEONE.

Scirpus ergo dum Leoni

Alligatur, melq; melli

Insona Thalassio!

Iunsona canora vates,

Hinc genus clarum Leonis,

Hinc decus Regale Scirpi;

Dumq; Scirpo, dum Leoni

Fata voto vota cantu

Expedis, facunda vates,

Insona Thalassio!



V.

SERENISSIMÆ SPONSÆ
L E O

*Gentilitium SER^{mi}. SPONSI Insigne
Offertur.*

Gentilitium SS^{mi} Sponsi Tui Leonem, ad Nuptiale Serenitatis Tuæ conuiuū Academicus affert Apollo, Princeps SS^{ma}. Quanquam non affert, ipse vltro suauissimo virtutum Tuarum concentu, quasi Amphionis vel Orphei fidibus delinitus venit. Hic etiam inter artificiosè pretiosis instructa condimentis BELLARIA locum occupabit. Nihil quidem in illo reperiri videtur, quod palatum recreare possit; habent in illo oculi, quo non satientur modò, verum & recreentur. Inest certè oculis etiam sua fames, sunt & oculorum cibi. Aureo Græciæ oratori cibus oculorum, Spectatio est. Commodissimè igitur ad aspectum Tuum Palatinus LEO assurgit, vt sui Principis exhibeat claritatem, quam per summos dignitatum prouectam gradus orbi spectandam dudum exhibuit. Præripit hæc in parte cœlesti leoni laudem, cum, non vt ille vix hospitio solem in se excipit, sed fixum suorum Heroarum splendorem, imo Heroas quoque ipsos, hoc est, totidem soles quot Heroas, perpetuò circumferat, & omnium gentium oculis incredibili omnium voluptate spectandos exhibeat. In hoc etenim Leone Palatinatus Rheni, Bauari-

B 2 cæque

cæque Domus Serenitatem, in hoc summam Ele-
ctoratus Eminentiam, in hoc tot diffitarum tota
Germania Prouinciarum nemo non videt splende-
scere Principatus. Ex huius Leonis corde, Mar-
tia claritas SS^{mi}. VLADISLAI, Lechici Mar-
tis, Fratris Tui conspectui alluxit, cum eius iudicio
dignus habitus est, cuius pectori Regia Serenitatis
Tuæ Stella infereretur, in qua hæreditariarum vir-
tutum splendor reflexus, pulcherrimam Paterni
Materniq; solis depinxit imaginem; vt iam nunc
Leonem istum, perpetuam solis domum non im-
merito nuncupemus. Ab hac solis domo oriens ra-
dius, mutas Apollinis nostri, vt quondam Mem-
nonis ^a chordas animauit; quæ si inter nuptiales
plausus, cum ab alijs, tum abs Te potissimum, be-
nignè audiantur, non iam chordis, sed ipsi Apollini
vitam dedisti.

^a Philostr: lib: 6. cap: 3.

VI.

ΕΙΣ ΑΒΟΝΤΑ ΒΟΙΚΟΝ,

ΗΓΕΜΟΝΟΣ ΒΟΪΟΥ ΕΝΙ ΣΤΕΜΜΑΤΙ ΚΥΔΟΣ ΑΠΑΞΑΝ,
ΕΗΝ ΚΥΚΛΟΙ, ΜΑΡΤΙΣ ΤΟΙΑ ΛΕΩΝ ΕΡΙΧΕΙ.

Idem.

Fama Ducis Boi totum circumuolat orbem,
Testis rugitu sic probat ipse Leo.



VII.

VII.

LEO SERENISSIMI SPONSI

Genus, & Palatini Bauariciq̃ue sanguinis claritatem indicat.

Non ergo frustra credimus, aureo
 Latè micantes murice siderum,
 Fuluo Planetas in leone,
 Ætherios peragrarè campos;
 Quando per altos magnanimus LEO
 Gradus honorum, Boiariam tulit
 Serenitatem, quæ Ducatus
 Juliaci Clivieq̃ longe
 Terras inauret; quam famulo colant
 Viros flores, nobile MONTIVM
 Pignus, repercussosq̃ cuius
 Excipiant radios tricornis
 Fluenta Rheni. Iam quoq̃ Lechicas
 Accendit auras de patrio LEO
 Fulgore, dum parat Polonia
 Boiariam sociare lucem
 Et iam corusco pectore Regium
 Effulsit astrum, cuius ab aurea
 Lucis procella concitata
 Aonia sonuere ripæ:
 J, perge felix, gloria Lechici
 Celi, remotos irradias sinus,
 I, perge, Theutonum per oras
 Purpureos paritura Soles;

C

Qui

*Qui Faustitatem, qui reuehant diem,
Densam seuera tristitia procul*

*Noctem repellentes, Et atras
Fulminea grauitate nubes.*

*Te sumptuosis verticibus diu
Germaniarum prospiciunt domus,*

Et urbium poscunt superba

Tecta, tuâ radiare luce:

Te Mosa propter gemmifero secat

Liquore terram, ditibus ut laues

Vndis, graui dudum calentes

Sole comas, roseosq; vultus.

Referre voces talibus emulas

Nemus iocosâ certat imagine,

Auesq; sylvarum canane,


In similes animant sonantem

Modos eremum. Flora, recentibus

Arridet vltro veris odoribus:

Nec collium herbosi tumores

Latitiae caruere sensu.



VIII.

LEO SERENISSIMI SPONSI

Claritatem Generis magno Virtuti
ornamento esse docet.

N Il iuuant Patrum patrię laudes,
Si Patrum desit Patrię virtus.
Sed iuuant multum, quoties & ipso
Splendet ab ortu

Principum Virtus, propriosq; Patrum
Moribus mores animat, vel ipsam
De suâ, Patrum patrię lucem,
Luce coronat.

Pulchra sat Phæbe proprio paratu;
Pulchrior multò, quoties vel astris
Cingitur, consanguinei vel ardet
Lumine Phæbi.

Sat suis lucet radiis lætis;
At magis lucet quoties coronâ
Cingitur Fratrum, radiosue iuncto
Sumit ab auro.

Sat rubet vino medicata succo
Purpura; at sanguis quoties Auorum
Purpuram pingit, Tyrio rubebit
Clarius ostro.

Sic & agnatâ licet usque luce
Splendeat Virtus; tamen, ad paternos
Si suos addat radios, & illis
Viuet, & istis.

*Lux ab antiquis Abauis Ausq̃
Missa, Virtutem vitiumq̃ quoduis
Posteram accendit, meritisq̃ miscet
Premia pœnis.*

*Ille, dum septus latitat paterni
Sordibus tecti, generosa fumo
Ausa consignat, tacitusq̃ celo
Vindice viuit.*

*At hic, æternos generis domusq̃
Inter auctores, Titulis Auorum
Vndiq̃ effultus, nihil absque teste
Audet, agitur.*

*Nil manu tentat, nihil incitata
Mente molitur, subeunt ubiq̃
Facta maiorum, patriaq̃ obortas
Mente tenebras.*

*Luce dispellunt; tenebrisq̃ (si qua
Forte delapsæ vitij Auorum)
Pectus ad puri radios decusq̃ hor-
-tantur Honesti.*

*Phosphorus cacas velut inter umbras
Est sue semper memor usq̃ stirpis,
(Namque cælestes potior priorque In-
-termicat ignes)*

*Et reuersuri placiturus olim
Vultui Phæbi, tenebris, Et ipsa
Noctis accendit generosior Ca-
-ligine lucem.*

*Sic iuuant Patrum Patriaq̃ laudes,
Si Patrum haud desit, Patriaq̃ Virtus;
Nam iuuat, virtus quoties Et ipso
Spendet ab ortu.*

I X.

SERENISSIMO SPONSO

AQVILA

Regni POLONIÆ & Ser^{ma}. SPONSÆ
Insigne D. D.

A PARVISTI, solis instar, in transcurso
Poloniæ Hospes Auguste, PRINCEPS
Ser^{ma}, cum Te Aquila Polona victrix,
geminos soles suos magna amicissimæ
familiaritatis symbola altius intendens, Domestici-
cum salutaret: atq; ubi primam splendoris Tui
gloriam contemplata est, uti causam optimè de te
merendi sumeret, præstantissimam Patriæ nostræ
Cynthiam, sui candoris certissimam alumnam,
Ser^{mam} PRINCEPEM, ANNAM CATHA-
RINAM CONSTANTIAM adiunxit. Ad
huius Aquilæ candorem, dies mensesq; SPONSA
Tua exorsa est; ab hoc candore constanter augu-
stèque viuendi præcepta duxit; huius candoris ad-
miniculo partes Religionis omnes, veræq; Picta-
tis officia expleuit: hoc candore, velut ad se pro-
ximè spectante, non secus ac liliū, florentissimas
æquè ac nobilissimas Regni huius Prouincias, du-
dum omni obscuritate liberas, ad Maiorum clari-
tatē extulit ac prouocauit. Sacra non nemo olim
faciebat, quod gente non barbarâ proditus esset:
Ser^{ma} Poloniæ PRINCEPS, quod sub Aquilæ
candidæ adoleuerit tutelâ, hoc est, quod candidos
semper dies, quod vota, quod acclamationes, &
D candida

candida hæcenus suffragia experta sit, non alia
sanè quàm candidâ gemmâ signabit. Diu est, ex
quò Aquila Polona nobilissimos pullos suos, Re-
gnis maximis destinavit; orbiq; regendo in SI-
GISMUNDO III, Eiusq; Filio Rege, invictis-
simo VLADISLAO IV. Scytharum, Moscho-
rum, Turcarumq; Domitore, pares demonstravit.
Ita hanc volucrum Reginam dulcis cura Regij
Sanguinis perurget, eamq; sublimia irretorto lu-
mine conspiciere docet. Agnovit candidi pecto-
ris Alitem, potentissimi Imperatoris Ferdinandi
Aquila, eiusq; candore delectata, Austriacâ Tæniâ
Serma^m CÆCILIAM RENATAM, germa-
nissimâ Cæsaris Romani Sororē obligavit. Agno-
uere perduelles, & dubiæ fidei capita, quorū con-
silia candorem hunc latere minimè potuerunt.
Agnouere hostes vniuersi, hic nidum fulminantis
Aquilæ positū esse. Quidquid igitur gloriæ, quid-
quid nominis, quidquid cōmendationis consequi
potuit, id totum TIBI, Magne DVX, cum Serma,
Poloniæ PRINCIPE libens impertitur; adeoque
seipsam cum Principe deuouet, minimè dubia,
laudes Regij Sanguinis SPONSÆ TVÆ, non ver-
borum ambage, sed serie virtutum ac genio Re-
gio esse commendatas.



X.

EIS AETON BASILAIKON

ΑΕΤΟΣ ΎΠΟΛΟΟΣ ΛΕΥΚΑΙΣ ΠΤΕΡΙΓΕΣΣΙ ΠΑΤΑΣΣΕΙ,
ΎΨΙΛΟΝ ΕΝ ΝΥΜΦΗ ΝΟΙΝ ΠΟΛΟΝ ΎΠΕΡΕΧΕΙΝ.

Idem.

Alta sonans alis Ales docet æthere claro,
Alta potest Sponsæ mens superare Polos.

XI.

AQVILÆ POLONÆ
Laus per Scr^m SPONSÆ Nuptias
vbiq̃ue diffusa.

Victrices Aquilas Lechi,
Dicent perpetuò Regna Polonia;
Donec Threijcios canes
Præ Vallachicæ spe temerarios,
Servabit tacitos Chocim,
Servabit miseros & calidos fugâs
Dextram pacis in obsidem
Tendentes Lechico longius Aliti.
Non unus calamo vigor,
Non uno lateri figitur is modo,
Et præcordia transijt,
Ipsos Ottomanos imposuit roga,
Victrices Aquilas Lechi
Dicent perpetuò Regna Polonia.

D 2

Donec

Donec lenta Borysthenes
 Ponto liberior flumina suggeret.
 Donec Vistula prapete
 Nisu coget aquas in mare Balticum.
 Donec se Boreæ Trion
 Inuertet parili luminis orbitâ;
 Donec Victor, & integra
 VLADISLAUS erit Vita Polonia,
 Donec CÆCILIAE Decus
 Viuis ad superos crescet honoribus.
 Si CONSTANTIA Coniugis
 Ingentes animos Boiarici probat,
 Non se candida, Lechico
 Non se vis Aquilæ Limite continet;
 Pergit trans iuga Carpathi,
 Flauentis Rhodani Littora permeans
 Alas explicat, ac iubar
 Intendit geminum. Surgite Lechicus
 Sanguis; pars potior Tui
 In partes alias expetitur DVCI.
 Sic Augustior audies,
 Sic te dum socias, carmine debito
 Vicinasq. Aquilas Tuas
 Dicent Boiarici sceptrâ palatij.



XII.

A Q V I L A P O L O N A

Animi in Deum tendentis, & PIE-
TATIS Ser^mæ SPONSÆ Symbolum.

Q Vis irretorto viuidus impetu
 Ales coruscum tendit in athera?
 Iam siderum eluctatus axem
 Empyreos superare pernix
 Molitur orbes? Niste, quid arduus
 Peñâ superbis? num DOMINAM potes
 Prauertere alis, quando turbam
 Praueheris volucrum minorem?
 Sunt & Polono lumina sanguini,
 Quæ fulgurantùm culmina siderum,
 Nubesq̃, montesq̃ & supremos
 Aetheriæ super vsq̃ sedis
 Leuentur ignes. Sunt, quibus equoris
 Terraq̃ gaze, dira animis creent
 Fastidia, & cogant amicos
 Nocte dieq̃ habitare cælos.
 Si quando terram res populi vocet
 Lustrare, credant ipsa palatia,
 Aulasq̃, fedas esse caulas,
 Vel nemorum malè culta lustra.
 Ergo, vel ipsis ocyus ignibus,
 Cum fas, in altum sese iterum leuant,
 Arbitrioq̃ cæli, easdem
 Ire, redire vias parati
E
Cælo

*Cælo fruuntur; seq̃ iterum, Deo
 Deiq̃ causâ sic repentibus,
 Terra reponent, atq̃ in umbrâ
 Non humiles humili locabunt.
 Sic Te Virago, Sarmatidûm decus,
 Sic Te Parentum cura docet frui,
 Terrena propter, sempiternis,
 Propter & astra polumque, terris.
 Ergo, Diana more Thoantidos,
 Choro Tuarum cincta Gregalium
 Nunc lustra, Terrarumq̃ Tempe,
 Nunc Superûm colis usq̃ tecta.
 Ubiq̃ mentem libera vinculis,
 Ubiq̃ soli dedita Numini:
 Seu terram habes, amica cælo,
 Siue Polum, studiosa terra.
 Sic nempe suevit Rex auium, & Iouis
 Minister Ales, nunc humilem solo
 Cauare nidum, nunc Tonanti
 Se, & famulas redhibere pennas.*



XIII.

SERENISSIMÆ SPONSÆ QVATERNI LEONES *Hereditaria Serenissimi SPONSI Insignia.*

D D.



EMO VNQVAM MORTA-
lium fuit, Serenissima PRINCEPS,
qui Samsonem, portentum illud ge-
neris humani vel robore, & virium
magnitudine, vel Mensæ epularumq;
lautitiæ superarit. Si robur spectemus, fabula est, &
plus quàm fabula, cætopere cantatus in fabulis Her-
cules: si Epulas, *tristi Domicenio*, vt cum Poeta lo-
quar, *laborant* mortales omnes, etiam Augustis-
simi; solus atq; vnicus Samson, libero atq; aperto
campo epulatur, quia soli illi *De forti egressa est
Dulcedo*, vt Sacræ loquuntur literæ. Multa sunt
PRINCEPS Serenissima, quar Nupriales istas Epulas
Tuas augustiores reddunt, sed quid cetera omnia ad
quaternos LEONES, quos Tibi omnes, vno quasi
missu, exhibemus? Nulli dubitamus, quin de vno-
quoq; istorum omnibus augustissimis hospitibus, &
conuiuis Tuis, egressura sit dulcedo singularis. Quis
enim in amplissimo isto Poloniarum Regno haec-
tenus fuit, qui, simul ac Leones istos in Serenissimo
PRINCIPE SPONSO Tuo spirâtes vidit non
eximiam Virtutum, eo fastigio (in quo, secundum
DEVM, non tam fortuna quàm virtus illum collo-
cauit.)

cavit.) longè dignissimarum, sit admiratus magnitudinem, splendore, varietatem? Vnius VLADISLAI IV. Sapientissimi Regis ac Fratris Tui vox, instar omnium nobis erit. Ille sanè virtutum earum splendorem, non oculis modò (qui illi ad peruidendas hominū mentes diuino beneficio plus quàm lyncei sunt) sed longo, ac propè quotidiano vsu ita probauit, vt diceret, *Eum Vnum dignum esse qui ES PRINCEPS nasceretur, ES Principatum pro dignitate meritoq; gereret.* Patere igitur SERENISSIMA PRINCEPS inter augusta Nuptiarum Tuarum BELLARIA, quaternos etiam SERENISSIMI SPONSI LEONES spectari. Ad Tuas illi Coronas (quæ cum prima, quam hausisti, luce hæreditario Tibi iure affulserunt) magna contentione prouolant; siue vt coronentur, siue vt Coronarum numero ac splendore augeantur. Quanquam & in LEONE Tuo vident quod alliciat, quod recreet, quod ad consortium, quin & exemplū, inuitet. Mirantur robur, quod si Iustitia adesset, inuictum optent: mirantur & prælia, victorias, felicitatē: quam, si DEO Ecclesiæ, Patriæq; addicat, æternam voueant. Accipies quocirca illos SEREN: PRINCEPS, & vel Tuis insignes auctosq; Coronis, vel Tuo minimū LEONI inter domestica Regiæ nobilitatis signa numerabis: vel deniq; perpetuum lagelonix domicilium GLORIÆ in ijs constitues. Nunquam profectò splendor lagelonius, & augusti GLORIÆ vestræ radij noctem, aut tenebras, aut procellas metuent, qui dum, tot in LEONIBVS commorando, fulgebunt, SERENISSIMAM, eamq; perpetua Tibi Tuisq; ÆSTATEM reddent.

XIV.

ΕΙΣ Δ. ΛΕΟΝΤΑΣ ΒΟΙΚΟΥΣ

ΗΓΕΜΟΝΟΣ ΒΟΙΚΟΥ ΠΑΡΑ ΤΕΤΤΑΡΕΣ ΕΙΣΙ ΛΕΟΝΤΕΣ,
ΝΙΜΦΙΟΣ ΕΚΛΕΚΤΟΝ ΕΝΘΑ ΘΡΙΑΜΒΟΝ ΑΓΕΙ.

Idem.

Principis hi certant quatuor certare Leones,
Inde Tibi festus Sponse triumphus erit.

XV.

Q V A D R I G A

Quatuor Serenissimi SPONSI LE-
ONVM, Triumphali Serenissimæ SPON-
SÆ curru iunctorum.

D I T H Y R A M B V S

E^{Rudita maximarum.}
Nunciatrix Fama rerum,
Surge leta, prome plausus,
Nuptiales nempe plausus.
Nuptiales atq̃ tadas
Principum sonantior concelebra carmine.
Perge diues, & nouarum
Plena semper perge rerum,
Per virentis Regna Floræ,
Perq̃ Cyrrham, perq̃ Pindum,
Per Lycei regna Phæbi,


F

Atq̃

Atq; tales erudito Mitte voces vertice.
 O medulla Gratiarum,
 Blande pectorum Tyranne,
 Suauitatis Fons Apollo,
 Et potentes Musa plectro,
 Ter beata floridorum
 Inquilina gaudiorū Linquitote verticem.
 Vos patentes ad suauem
 Prouocant via laborem,
 Vt virentis arua campi,
 Quā Maritus cum Marita,
 Expeditum scandet iter,
 Lacteisq; Castisq;
 Vestiatis floribus.
 Flora regnet, & triumphet;
 Candidumq; ducat agmen,
 Floridamq; reddat aulam
 De viretis, de rosetis,
 Deq; cespitem rapinis,
 Deq; Tempē floribus.
 Perge Apollo, perge Pæan,
 Perge iunctis cum Camenis
 Expedita blandientum
 Iam **QUADRIGA** stat **LEONVM**
 Et ministra gloriosus
 Iam Maritum iam Maritam
 Vult leuare curribus.
 Laureata Maximorum
 Perge Principum Quadriga,
 Gratulantibusq; terris,
 Per beati regna veris
 Defer ambitus rotarum,

Sit labo

Sit laboris digna merces,
 Principum felicitas.
 Linquitote Regna SPONSÆ,
 Scanditote Regna SPONSI,
 Cessit imber, cessit atrox
 Quattuor Fratrum tumultus;
 Cessit Eurus, cessit Auster,
 Et niualis ira Cori,
 Cessit omni climate.
 At Fauonius modesto
 Regna peruolat susurro;
 Atq; montes, atq; colles,
 Et viarum ubique calles
 Flore sternit, rore spargit,
 Ne triumphi tam beata
 Demorentur otia.
 Perge SPONSE, Perge SPONSA,
 SPONSE letus, SPONSA lata,
 Lata primum vos salutant
 Regna veris, donec ipsa
 Vos saluent Regna, Regni
 Donec Ordines profundo
 Supplicabunt poplite.
 Donec omnis Faustitatis,
 Omnis & felicitatis,
 Omniumq; Gratiarum,
 Vos Corona comprehendet,
 Passibusque gloriosis,
 Æuiternum subsequetur.
 Et præbit GLORIA



XVI.

LEONES INSVBLIME ERECTI

Generosum Sereni: SPONSI pectus,
& animum in arduis. infractum notant.

Quid Viro forti magis incitatum,
Et magis constans, ubi fida pectus
Imbuit Virtus, animūq; magnum
Sepit Honesto?

Voluitur preceps, vada per, per ipsas
Rupium moles violentus amnis;
Desinit volui, simul incitato oc-
currenit agger.

Ilicem fixæ religant ab ipsa
Stirpe radices, tamen inquieta,
Nutat, & ventis aliquando victa,
Proruit ilex.

Sed viro forti neque concitatum,
Nec magis constans, videt aut cadentū,
Cum suis undis populūque Diuū
Gurges aquarum:

Aut pererrantes Satyri iliceta,
Aut leues Fauni nemorum inquilini, aut
Fulminatorum Acrocerauniorum
Qui iuga spectant.

Ille, seu ventis agitetur aquor,
Seu sacro tellus quatitur igni,
Et mari ventos, & adaëtaridet
Fulmina terris.

Fran-

*Frangitur fluctus, decimoque frustra
Impetu rupem furibundus urget:
Procidunt rupes, genitaque cantis
Rupibus vrbes:*

*Ipse, qui vultu recreat sereno
Et Polum, & terras, patitur serenum
Eripi Phabus sibi, nubibusque
Lumina frangi.*

*At viro forti generosa nunquam
Mens cadit: nunquam radij serena
Frontis expirant; tetricaue languet
Vultus in umbrâ.*

*Sic Leo frontemq;, animumq; fortem
Semper infractus, videt irretorto
Fulminum iactus oculo, suisque
Tutus in armis*


*Pectus aduersum, licet vsque, & vsque
Ingruant hostes, generosus offert;
Et sua, quotquot veniant pericla,
Ridet in irâ.*

*Sic viro forti nihil incitatum
Nil magis constans, ubi fida pectus
Imbuit virtus, animumq; magnum
Sepit Honesto.*



XVII.
SERENISSIMO SPONSO
LEO

*Regni Sueciae, SER^{ma} SPONSÆ Insigne
Offertur.*

 Cce verò, Ser^{me} PRINCEPS, dum Oculos TUOS vario BELLARIORVM apparatu pascimus, nouo fortè, sed non minus grato spectaculo irrumpit ad Mensas hasce secundas & LEO! Timeri ille posset, nisi apud Te adesset. Quid enim Tu Leonem timeas, apud quem, quatuor omnino LEONES, à tot tantisq; maioribus hæreditario transmissi iure, in Serenissimis Insignium Stemmaturq; Tuorum quasi caueis, æternum stabulantur? Aut Seminarium Leonum apud Te est, aut Gymnasium perpetuum; vt cani non iniuria de Te queat. *Nouerunt cui seruiant Leones* Ad istorum consortium, ipso quasi Naturæ ductu adiungi quintus optat, & inter BELLARIA nostra quasi per vim irrumpit. Sueticus est, qui Patriæ non contentus finibus inter alia Regna Germaniam quoque Tuam, dudum infestus per-uagatur. Et nunc erectus in sublime, atq; ad cursum, vel etiam saltum accinctus, sese tibi sistit. Interim prius quam ad Te adeat, Fluvios tres apud quos & natus est, & educatus, audaci atq; imperterrito pectore, vel transilit, vel felici vado tentat, vel natando se oblectat; & puluerem, quem siue cursu, siue pugna, siue tot Martiorum Camporum arenis contraxit; & sanguinem, quo inter densissimas ho-

mas hostium cædes, plus millies, sædatus est, abs-
tergit. Ita nempe sese Tibi, Leonibusq; tuis pro-
babit, si, quod hæctenus per emissarios quosdã suos
crudeliter, quod impiè, quod contra fas, & æquũ,
alicubi gessit, penitus eluat, Tuorũq; exẽplo Leo-
num, atque consortio adiutus, eos aliquando ipsos
quorum ductu ad sæuitiam, & omnem est iniqui-
tatem efferatus, iusto maeter supplicio. Neq; cæ-
teris suis ciuibus deerit, quos sæuã paucorum Ty-
rannorum seruitute pressos, vt ad pileum vocet,
adeoque asserat in libertatem, Tuorum subsidio
Leonum excitatur. Et erit sanè aliquando tem-
pus, cum illi, qui nunc Regi suo erepti, & quodam
fascino, sub blandã Libertatis specie, in teterrimã
reducti seruitutem, vel iure ad nomen Regni reuo-
centur, vel vi adacti, maculam, quam impiè con-
traxere, ijs ipsis fluminibus, quibus innatat Leo,
non tam aquis, quam ipsorum sanguine mananti-
bus, serò quidem, sed tamẽ seriò eluant. Decet
enim, vt Polonia Succiaque Vnum Regiæ Maie-
statis Manipulum, mutuis auxilijs vel nectant, vel
adorent; & Rex animalium Leo, à Regina auum
Aquilã haud longè seiungatur. Quo quidem fiet,
vt & Scirpus maris, & Leo Terræ, & Aquila aeris,
Vni Iagielloniæ Domui asserat imperium.

XVIII.

ΕΙΣ ΣΥΤΕΡΙΚΟΝ ΛΕΟΝΤΑ.
ΣΥΤΕΡΙΚΟΣ ΔΗΛΕΙ ΛΙΣ ΙΦΙΑΜΑΖΟΝΑ ΝΥΜΦΗΝ,
ΤΗ ΓΑΡ ΕΝ ΑΝΔΡΕΙΑ ΑΝΤΙΑΝΕΙΡΑ ΠΕΛΕΙ.

Idem.

Sueticus hæc cunctis dicit LEO, fortis Amazon
SPONSA manet, digno principe digna viro.

XIX.

LEO SVECIÆ, & SER^{mæ} SPONSÆ
Insigne, fortem eiusdem & Constan-
tem in aduersis animum signat.

Qualis Luciscis despicitur iugis,
Tumultuoso Villia vortice
Latrare, contra peruicaces
Exiguus scopulos, vepretis,
Ripisq; tutos; dum scopulus vado
Immotus, ipsis imperat amnibus,
Fugatq; victos, dum repulsa
Fletibus auget aquas procella.
Talis trifulci Sueticus institit
Leo per aluëum fluminis; Et licet
Neptunus irâ fractus altos
Faucibus euomit tumultus
Toruâstat alti nube supercili
Leo timendus, despicit irrita
Subtus, fatigatorem inermis
Murmura Et insidias Deorum.
Quantus Poloni è vertice Carpathi
Ruptis inundat Vistula fontibus:
Et Littauum quantus remugit
Villia vorticibus per arua.
Mulsaq; qui dat Rossiacus aquâ,
Moschisq; potus, Duna Colonijs:
Tot sub Leonem abire ruffas
Ipse timor glacianit undas.

XX.

XX.

In LEONE Gentilitio, Virilis Ser^{mæ}
SPONSÆ Constantia adumbrata.

E T qua Virili fronte tibi micat
Virago virtus, atq; oculos tener?
Lateq; maiestas refuso
Imminet in faciem Sereno!
Quamvis Venustas mollè rubet genis,
Et nata viuo purpura murice;
Tamen vel ipsâ gratus irâ,
Per medium micat horror ostrum;
Monstratq; nullam pectore feminam,
Quam mesta, vultu terreat obuio
Fortuna, vel si fata tristem
Obijciant inimica vultum.
Infracta magni pectoris è throno
Rerum tumultus cernere, & arduos
Inferre vultus, quâ timendo
Constiterint mala dura telo.
Non sic feroces vibrat Amazonum
Regina visus, & faciem asperat
Toruo decore, quando avarâ
Mars tonuit fremebundus hastâ.
Vt tu Sereni prodiga pectoris,
Frontisq; larga, non humilem iacis
In cuncta vultum, & eminenti
Semper amas propiora cælo.



XXI.
SERENISSIMÆ SPONSÆ
RHOMBI

DVCATVS BAVARIÆ & Serenⁱ SPON-
SI gentilitium signum.

D'D.

Inspice Te, magna PRINCEPS, in
Maiorum Tuorum trophæis; considera
monumenta Auorū, Atauorū Maie-
statem specta: Fratris Tui Regis vel in
Aquilonem, vel in Orientem propagatam fortitu-
dinem intuere. Quin etiam non partem solūm Eu-
ropæi orbis splendorem Tuū pertrinxisse vt intelli-
gas, RHOMBOS Serenissimi Bauariæ Ducis SPON-
SI Tui accipe, è quibus velut è speculâ, vel potius
speculo, orbem contempleris; vnde Sceptra Baua-
rica dinumeres; vnde Austriacorum vetustissimam,
& imperio natam Familiam, cum insignibus symbo-
lis gentilitijs, inter præcipua decora Bauarorum su-
spicias; Inspice, inquam, simulq; accipe, seu ex e-
lectro aureo, seu crystallo purâ, concinnatos
RHOMBOS. Si Adamas in illos abiit, in lucem to-
tus abiit, vt se Tibi communicaret. Habet Serenif-
simus SPONSVS Tuus ea virtutum decora, è
quibus non omnino fictum Adamantem colligas.
Est illi genuinus veræ pietatis color, & absq; næuo,
vel vllâ ex illius hydræ Tartareæ nata nube, candor:
Est diuinarum humanarumq; Literarū, non medi-
ocris

ocris scientia: est artium honestissimarū, abstrusio-
 risq; Philosophiæ singularis cognitio: Est rei belli-
 cæ doctrina, non inter eruditorum hausta otia; neq;
 è Vegetianis, Archimedæis, aut Lipsianis vmbri-
 ducta; sed in puluerem, in solem, & in aerem produ-
 cta, totq; ac tantis Germaniæ in discriminibus
 spectata. Est deniq; robur vigorq; animi, sunt vires,
 & constantia planè Adamantina, quæ ne sanguini
 quidem cedant, tantum abest; vt vel ferro hostili
 molliantur. Tantum igitur lucis ac splendoris è tot
 tamq; claris RHOMBIS vel potius Adamantibus,
 PRINCEPS Serenissima, cum auspicatissimis Nu-
 ptijs Tuis affulserit, non est quod vel faces, vel tæ-
 das, è ritu veterum, Nuptiales requiras. Quia ve-
 rò Adamantes isti qua Coronis, quàm ceteris insig-
 nibus quoq; Tuis, obligantur, adeoq; vniti iam sunt,
 ita deinceps Bauariæ, totiq; Germaniæ lucebunt,
 vt pars magna lucis istius in Poloniam, imò, quod
 vouemus & speramus vniuersi, in orbem redundet
 vniuersum.


XXII.

ΕΙΣ ΡΟΜΒΟΥΣ ΒΟΙΚΟΥΣ.

ΠΑΔΜΟΣΤΗΝΗΝ ΣΥΝΕΞΙΝ ΤΗ ΣΕΘΕΝ ΑΡΧΗΓΕ ΘΕΪΣΤΕ,
 ΔΕΙΚΝΤΕΙ ΤΕΤΤΑΡΕΙΝ ΡΟΜΒΟΣ ΕΘΕΝ ΜΕΡΕΞΙ.

Idem.

Infine quanta Tux prudenti munera menti,
 Per partes RHOMBVS dinumerare potest.



H 2

XXIII.

XXIII.

R H O M B I
B A V A R I C I

Prudentiam Serenissimi S P O N S I
Et in consilio rebusque gerendis
Perspicaciam indicant.

*M*ome, quid diro laceras Deorum
Ore conatus? Iuuat expeditam
In scelus linguam, iuuat efferum fre-
Nare Corbum.

*M*ome, vel solo Tamyra duello in-
Famis! En RHOMBOS! licet in serenum
Principis pectus studiosiore ad-
Vertere censu.

*I*am viden! quantum generosa seruet
Mens opum! quantique animo redundant
Cynthij fontes, Populique & aucta
Manibus vrbes

*C*alculo quantum sapientiore
Principis gaudent! quoties amicas
Consilij venas aperit; vel ipsum
Orbis Atlantem

*A*diuuat gratâ vice FERDINANDVM;
Et vel in celi Superumq; censum,
Vel decus maiorum, animo, manuq;
Suggerit arma.

OVLA-

O VLADISLAO Pretiose REGI!
Plurimum nostro Adamantiamate
Dux! o RHOMBIS Adamas, vel orti
RHOMBI Adamante!

XXIV.

R H O M B I

Varios Dignitatum Ordines in Serenif-
simi SPONSI Domo denotant.

DITHYRAMBUS.

Arcus Apollo lingue,
Curasq; Martiales,
Pharetramq; lingue Cressam,
Strepitumq; per Scytharum
Campos, aut ubi ceruos
Silus in medijs cies.
Alij nunc sunt labores,
Alium scopum videbis;
Non arma, non sagitte,
Adsit lyra hospitalis,
Adsint Carmina, Boiū
Que magnum recreent Ducem,
Mercurius adfuisse
Testudinis Magister,
Adamantis expolitum,
Gento suo beatum

RHOM-

RHOMBVM diceret, altos
 RHOMBI diceret ordines.
 Charitum Soror Thalia,
 Vatum parens Thalia,
 Citharam sonare docta;
 Age Bauari Dynaste
 Plenos lumine RHOMBOS
 Pleno pectore persona.
 Lechiam hospes hic salutat,
 Sed amicus hinc abibit;
 CONSTANTIA ligatâ,
 Socioſq̃ REGE Fratrem.
 Ad RHOMBVM metra currant;
 Ferri precipitem iuuat,
 Ubi Faustitas triumphat;
 Pater ubi mitis aure
 Zephyrus, beata spirat
 Carmina, Ducumq̃ dextras
 Verno flore coronat,
 Et Vernis rigat imbribus.



XXV.

SERENISSIMO SPONSO TRES CORONÆ

Regni Sueciæ & Ser^{mæ} SPONSÆ Insignia.

D. D.

Victori alias, & supra omnia assurgenti Eloquentiæ, duplex natura iecit obstaculum, ut inter arma elinguem iacere; inter Regum diademata, exanimari etiam maiestate eam necesse sit. Sæpe illa quidem vires colligit, erigitur, meminitq; sui: sed ubi iam ad magnitudinem obiecti splendoris eniti videtur, humi se adhuc repere suâ cum facundia animaduertit. *Ut merito* (licet enim docti viri oratione uti) *religioso sæpe malit maiestatem venerari silentio, quàm frigido encomio magnitudinem violare.* Hinc agnosces Ser^{mæ} PRINCEPS si Coronarum Ser^{mæ} SPONSÆ Tuæ fulgore victa facundia, adorare eas maluerit quàm laudare. Neque enim sol face indiget, & lux se ipsa lux est. Maxime cum nihil sit in orbe Coronis Diadematisq; regalibus nobilius, excelsius nihil. Quorum is splendor est, ut obscuras etiam barbarorum transcēdat mentes, & ubi lumen solis desinit, illa suam dispēsent lucem. Patere igitur Ser^{mæ} SPONSE, Coronas offerri, quia Tuas; Patere laudari, ad quas Tu tantis itineribus anhelasti. His scilicet, & maioribus Jagellonius, Austriacusque coronari debuit

sanguis, vt Tibi augustiùs iungeretur. His Regias
 illas Sermae SPONSÆ Tuæ redimiri Virtutes ne-
 cesse fuerat, vt liberaliore splendoris accessione
 Tuam augerent Serenitatem. Dicam verbo, Tan-
 tæ Serenitates non nisi Coronis diadematisq; vinci-
 ri debuerant, vt quod alijs, Annuli vobis Coronæ
 essent. Splendorem earum si quæras, sunt augustis-
 simi Parentis SIGISMVNDI III. ingentes trium-
 phi: Sunt inuictissimi Fratris VLADISLAI IV.
 trophæa, latè orbem peruagata vniuersum; in quo
 expressum habemus, quidquid Numini sceptrā
 iungit. Est denique Austriaci sanguinis augustissima
 Maiestas, cuius si dominium quæras, faciliùs mun-
 di limites, quàm eius imperij terminos reperias;
 cum penè nullum in Europa sceptrū sit, quod non
 Austriacum: nulla Regia Purpura, quam non Au-
 striacus quoq; suo splendore illustret Sanguis. Ita
 iam felices liceat proclamare Tuas nuptias, in qui-
 bus non tria duntaxat diademata, sed vniuersæ Eu-
 ropæ Sceptrā, & Coronæ Tibi desponsantur. Felix
 nuptiale conuiuium, cuius laudum maxima pars
 est, inter BELLARIA regales Coronas adfuisse.

XXVI.

ΕΙΣ ΤΡΙΠΛΗ ΣΤΕΦΑΝΟΥΣ ΣΟΙΕΤΙΚΟΥΣ.

ΤΡΙΠΛΗ ΣΤΕΦΑΝΟΥΣ ΝΥΜΦΗΣ ΜΑΛΛΑ ΔΑΤΙΑΕΣ ἦΤΟΡ ΑΝΟΙΓΕΙ,
 ΕΚ ΤΟΙΤΩΝ ΔΗΡΩΝ ΓΝΩΘΙ ΑΝΑΣΣΑΝ ΕΜΕΝ.

Idem.

Munifici cordis TRIPLEX Diadema coruscat,
 REGINAM tanto munere nosco meam.

XXVII.

X XVII.

Terna Regiæ Dignitatis Corona, splendorem ad posteros quoq, diffundit.

Q *Uæ Regionum lux Diadematum
Effulgentis prodiga luminis
Affulsit arbi? fastuoso
Inuidiam positura Soli!*
N *on sic Renati flammea Phosphori
Igni coruscat. Casaries, nonam
Sparsura lucem: non loquaces
Oceanû subitura fluctus
Dies supremo sic nitet Hespero,
Ternos reflexo dixeris impetu
Ardere soles, triplicemq;
Ad radios trepidare lucem.
O lux! sacrorum lux diadematum!
O Regionum temporibus Ducum
Florere digna! Suetici atq;
Vandalici ô decus omne sceptri!
Intaminatum luminis explica
Splendorem, oborta non superabilem
Noctisq; nubiumq; moli,
Et timidis scopulum tenebris:
Tu bellicosa vota Potoniæ
Maiore reddis fenore luminis;
Dum Principum Tuis decoros
Aspiciet radijs nepotes.*

K

Non

*N*on vana surdis, credite, rupibus
 Do verba vates; vidi ego siderum
 Latè reclusas expedito
 Cardine dissiluisse valuas.
*V*idi coruscâ Te Superâ manu
 Cinctum Poloni gloria nominis
 Rex magne SIGISMUNDE, nostros
 Candidiore oculo Triones,
 (Dum gloriosè Progenies Tua
 It in pudici federa connubi;
 Dum voce plausibusq̃ rumpit
 Æthereas Hymenæus oras)
 Spectasse cælo: lataq̃ ouantibus
 Tulisse Diuis vota. Superstitis
 Post busta Fame, sempiterno
 Perpetuum celebrandi honore,
 Connubialis federe vinculi
 Inauguratas iungite dexteras;
 Nunc voce plausibusq̃ rumpat
 Æthereas Hymenæus oras.
*V*os auspicatis cincta cohortibus
 Virtus Coronet; vos animosior
 Fidesq̃, Faustitasq̃, & omni
 Pace salus comitata seruet;
 Donec (dabunt hac astra) nepotibus
 Sint magna vestris secula. Dixeras
 Adstantium assensere Turmæ, &
 Vnanimi sonuere plausu.

XXVIII.

TRIBVS Ser^{mz} SPONSÆ CORO-
NIS, Gloria Serenissimi SPONSI
illustratur.

O *Diues auri Gloria, præpetes
Molire passus! hic adamantinas
Expande gazas; hic & aurum
Innumeris redimire vulgus
Permitte gemmis. Grandinet aureis
Fortuna (Creso non humilis) globis;
Surgatq; TERNAS in CORONAS,
Pannonij pretium metalli.
Faustus recurrat Principibus dies,
Quo nubit aurum diuite copia
Gemmis, & auro federati
Chrysolitus pretio smaragdi.
At Te beatum, TERNA micantibus
CORONA signis cui venit in manus!
Fortuna quem; faustusq; toto
Cantat Hymen, celebratq; mundo.
Non inuidendo scilicet ambitu
Decusq;, lausq;, & gloria, nobili
Stipata cultu efferre Te optat
Diuitijsq; animisq; Magnum.
Auro superbit Gloria, Gloriam
Commendat aurum. Cui Diademata
Hymen tot addit, Gloriâ dis
Et rutilo generosus auro est.*

XXIX.

SERENISSIMÆ SPONSÆ OCTO SCEPTRA LI- LIATA *Ducatus, CLIVIÆ & Seren^{mi}* *SPONSI Arma.*

D. D.

Diuina etiam Liliorum Bellaria in nuptiali Principum mensa par est comparere, Princeps Serenissima. Non minus enim istæ, quàm Canenses olim nuptiæ ^a. Deum epulo videntur accepisse. Qui VELLERIS AVREI PRINCEPS, imo AGNVS, Principum VELLERIS AVREI Insigne, Lilia inter, ac Principes lilijs accumbentes, amat conuiuari. Et tuus profecto Serenissimus SPONSVS (si lilia ex Diuino Iunonis lacte nata sunt ^b.) iam inde ab ephebis, lilijs accubuit, postquam cum lacte Religionem orthodoxam, ac omnem vitæ integritatem, aut potius Diuinitatem quandam hauserat; vti, quemadmodum vniuersus Salomonis splendor vel agrestibus lilijs de victoria concessit, ita ille nobilioribus innutritus, longè vinceret Salomonem. Nitet Fidei eius splendor, cui nunquam maculam aspersit, sed DEO, Deique inuictissimo Athletæ IMPERATORI FERDINANDO probatam, sanguine maculatæ perfidiæ, signū receptui cōmonstrauit. Reddunt candidi floris colorem mores ad auitam pietatem, ad magnas Patriæ spes, ad singulare Serenissimæ Prolapix ornamentum compositi.

a. Ioan. 2. b. Natal: Comes l. 2. c. 4.

positi. Deniq; non solum amplissimum Germania Imperium, sed sepositæ regiones, in quascûq; Christiana fama alas porrigit, Liliorum illius gratiâ videntur fragrare. Quorum numerum eâ clarissimi Nestores ac Hectores Ser^m SPONSI TVI in gyrum posuerunt, vt versus omnes orbis rotundi partes, tantum odoris spargerent, quantum CLIVENSI DVCATVI pepererunt dignitatis. Neq; ex vano ab ijs Sceptra quoq; in connexionē vocata sunt, ne prolixior natura in suis floribus, quàm eorum Virtus in suis insignibus euehendis fuisset videretur. Scimus inter volucres Aquilam, Leonem inter animantes feras; sed & Lilia inter flores Sceptra tenere non nescimus: Neq; committere possumus, quin votorum augurio constantem Fortunam liliatæ Rotæ polliceamur, deceptâq; Fortunæ inconstantiam gaudeamus. Ipsâ quippe aliorum sceptrorum depressione, alia ē vestigio est erectura. Magnas iam ad decora sua DVX Serenissimus accessiones fecit, dum geminas suis virtutibus virtutes, Regali Iunco, Flores regalia Sceptra obtinētes maritavit. His dotibus supra coelestia sidera terrena assurgūt, quod illa vicina suâ se societate mutuo inobscurent, hæc Sociali Serenitate magis illustrentur. Optimis igitur auspiciis nuptialia festa celebra, atq; Diuinis Ser^m SPONSI Bellarijs, illa, totamq; ætatem oblecta. Ægyptijs quondam erat ex Lilijs panis ad sedandam famem, ^{a.} Vobis ad famem est alendam. Ne verò nudis, (vt aiunt) manibus Tuæ mēse porrigantur, sceptrum ad faciendum orbem sese illis coegerunt. Accipe beneuolâ manu, & in Diuinis Bellarijs Sceptra Coronamque contemplare. Si tempori obsecundandū est, Lilia Sponsū, Sponsamq; coronabunt.

^{a.} Herodotus: lib. 2.

XXX.

ΕΙΣ ΟΚΤΩ ΣΚΗΠΤΡΑ ΤΗΣ ΚΑΙΒΙΑΣ.

ΠΑΜΠΟΛΥ ΣΚΗΠΑΝΙΟΝ ΚΑΙΒΙΑΣ ΚΑΛΛΕΙΡΙΑ ΠΝΕΙΕΙ,
ΕΙΣ ΓΑΡ ΚΟΙΡΑΝΙΗΝ ΜΕΛΙΔΙΧΟΣ ΟΥΤΟΣ ΑΗΡ.

Idem.

Principis en SCEPTRVM quàm plurima Lilia Spirat,
Plurima enim hoc vento flante Corona datur.

XXXI.

E Scepтрis Liliatis felix imperij omen.

Non inter omnes lactea ferias
Parente gaudent Lilia Cynthio;
Non semper annorum iuuenta
Vere caput viridi coronat.
Sunt & corusco tedia sideri,
Circumuaganti pingere lumine
Fecunditates hortulorum,
Et faciem renouare pratis.
Quis credat? Orbi quàm sibi subdito
Stellantis aula lampades inuident
Amena temporum! Reductis
Quàm repetunt sua dona brumis!
Non ad serenas vos ego Principum
Inuito tedas; hinc procul inuide
Facies, & astrorum hinc remoto,
Tedia ferte gradum recessu.

Tantum

Tantumnè celsis sidera sunt Polis?
 Sunt & Polonis. Non variabiles
 Innubium soles dierum,
 Materies sibi longa plausus.
 Suâ beari luce beatus
 Quàm mutuato viuere lumine,
 Hæc Astra poscunt, Non bicornem
 Ingenio referunt Dianam.
 Nescit supremo cedere climate
 Accensa virtus; fulgere pertinax
 Sanguis, sub infimos Triones
 Occiduo negat ire cælo.
 Quis nunc teneri flos patiens, humo
 Nusquam resurget, vel malè frigidos
 Timebit æstus, iam duarum
 Læchia luce SERENITATVM
 In nuptiales crescit adoreas
 Viore lato, Jam Tibi CLIVIUS
 Ver afflat orbis Magna PRINCEPS,
 Et faciles sine nube Maiores.
 Jam sceptrâ frondent non sine gemmea
 Superuirescentis niue lilij:
 Si mentis adspèctes vireta,
 Ingenuâ Tibi risit herbâ,
 Fides Tuorum maxima Ciuium,
 Albusq; candor. Vernat amantior
 Vbiq; Regni scena, cordaq;
 In varios abiêre flores.
 Sic est, in ipsas Regia sanctitas
 Dat iura mentes, utere Regijs
 Ad corda sceptris, liliatos
 Imperio moderare sensus.

Clarissimorum Sidera PRINCIPVM!
Est & benigno lumine floribus
Vobis facultas imperare,
Et dominos simul esse flores.
FLOS magne Regum, Te Neoburgicus
Mundus virescat, donec in aurea
Regum recrescas sceptris, magnis
Principibus positura nidum.
Formosa Vobis crescite Lilia,
Regnate nobis candida Lilia,
Optata vobis spiret aura,
Aduigiletq; Honor Hortulanus.

XXXII.

E Sceptris Liliatis futuræ Augurium
felicitatis.

N *Vper furenti cornua Suecia*
Decussit ardens Herculei LEO.
POLDVS triumphi, Islebianus
Ne violet procul Hydrus astra.
Et quis tot actos inuideat LEO.
POLDO triumphos? Regnet, & amplius
Cum Cynhij Thracum, Gelonos
Præcipites agat in triumphum.
Fortuna Sceptris Boiaria Ducem
Quæ sic coronat, sceptraq; Lilijs
Fecundat, & Phebi instar, aureos
Circumagat radios in Orbem.

Quæ

Que Regna sceptris? qua niueis parat
 Aut Lilijs scepra? aut cui Lilia
 Cognata Sceptris in coronam, &
 Haud vacui diadema Regni
 Prasaga fingit? Num malè temperet
 Regnum? in Coronas Lilia cūi, domi
 Nasuntur, aut cūi luce primā
 Regia promicuere Scepra!
 Cūi tanta laudum crescit adorea,
 Cūi Scuta Sceptris auxiliaribus
 Firmantur, atque Scepra scutis
 In virides animantur ausus.
 Quin & Poloni Prasēs Ausi Throni
 Adiuncta Sceptris, regna super Tyro,
 Urbesq, gentesq, & supremi
 Gemmiferas Orientis oras
 Ostentat; & quā se rapidis super
 Lactauit alis, ad Rhodopen vocat,
 Hemūq, Bosphorumq, & omnes
 Assyria, Libyaq, campos.



XXXIII.

SERENISSIMO SPONSO
EQVES

M.D. Lithaniæ & Sere^m SPNOSÆ
Insigne.

DD.

FVIT è PROCERIBVS ROMA-
nis PRINCEPS SERENISSIME, qui nu-
per ad ipsum ineuntis huius seculi exor-
dium, Principi Viro ad se honoris cau-
sa reuolenti, non vnum aliquem Equum, Equitē-
uē, sed venationem integram, Equis, viris, cani-
bus, & singulari ferarum varietate multitudineq;
abundātem, inter Mensas & Mensarum Coronā-
dem Bellaria exhibuit. Nam (vt testis est magnus
hoc seculo Orator ^a) surgentem è solo sublimiūs
siluā, in subdiali adiū suarum parte, è saccharo,
caduā, excitauit. In ea feras, verē canes, vena-
tores ad iustam omnes magnitudinem, ex eadem
nimirum argillā, conformauit, tam abrogante
miraculo veritati fidem, vt nemo quod res erat
aduerteret. Quid igitur mirum, si & nos istum inter
BELLARIA siue Venatorem, siue militem, Equi-
tem certē cataphractum, Magni huiusce Ducatus
Lithuanæ Insigne, adferamus? Agnosces Sarmatā
PRINCEPS SERENISSIME, non equidem illum
de quo

^a Gmif. alioem: g.

de quo Poeta aliquando cecinit. *Venit & epoto Sar-
mata pastus equo*; sed illum, qui sumpto cū Bel-
lerophonte, vel Perseo, à diuina Pallade Sapien-
tiæq; præside freno, „ Pegasus suum ita rexit, vt
cū alis subuectus suis, terras, aera, ipsumq; lu-
strasset coelū, non iam duos, vti alter ille Pegasus,
sed plurimos in suo Magno Ducatu, Musarum fon-
tes vngulā suā aperiret. Vnde enim quæso Calliæ
istæ Aganippidesq; vndæ, quæ ex Alma Acade-
mia hac, & Vniuersitate Vilnensi, ceterisq; Musarū
domiciliis, non tantū in Magnum hunc Ducatū,
verū & in vniuersas P. loniæ, imò & totius Europæ
Orbisq; Prouincias longè latèq; dimanant? Nimirū
ab istius vngulā Equi, qui quidem, etsi nō de aliquo
Sybaritarum grege veniat, saltu tamen & choreis
terrā cæloq; spectatis, omnes illos, fontibus verò
Musarum ita feliciter copiosq; productis, Pega-
sum quoq; ipsum longissimè superat. Atq; vt, quæ
de illo dicuntur, oculis quoq; ipsis pateant, quid-
quid hic **BELLARIORVM** nostrorum **P. RIN-
CEPS SERENISSIME** vides, ab huius Equi Equitisq; fon-
tibus haustum sumptumq; est. Quæ quidem **BEL-
LARIA**, si, vti de humanitate summaq; beneuolē-
tiā Tuā speramus vniuersi, & vultu, & animo gra-
to acceperis, illum quoq; ipsum, à quo ista proflu-
xerunt omnia, primo inter **SECUNDAS** hasce **MEN-
sas** princepēq; loco censebis; nos verò Pegasus
nostrum, etiam illi Caligulæ Equo, qui Incitatus
dictus, aureis præsepibus hordeum, Vinumq; aureis
poculis hauriebat, idque insuper consecutus erat, vt
per salutem eius vulgò mortales iurarent, „ quam
longissimè, vti facimus, præferemus.

b Dio libr. 59.

M2

XXXV.

XX XIV.

ΕΙΣ ΚΕΑΗΤΑ ΑΙΤΟΤΑΝΙΚΟΝ.

ἮΙΑ ΚΕΑΗΤΕ ΑΙΘΑΒΩΝ ΘΕΕ ΚΑΙ ΤΡΕΧΕ ΚΟΣΜΟΝ ΕΡΩΤΑ,
ΤΙΣ ΙΑΓΕΛΩΝΟΣ ΜΗ ΝΟΕΙ ἌΛΙΑ ΞΕΝΟΣ;

Idem.

Eia citus citò currat E Q V E S Lithauus, roget, Orbis,
Nonne IAGELONIS Sanguine clarus erat?

XXXV.

E Q V E S.

Lithuanus ad Patriam Sapientiâ,
pietateq; firmandam incitatus.

*Q*uid Musurmanis metuende campis
Incitus iustam meditaris iram?
Quid truci nuper grauis ille Moscho
Assonat ensis?

Num repentino violenta Marte
Bella ferali tonuere cornu?
Et manum nacti, malè peruicacem
Imus in hostem?

Ite crudelis simulacra lethi,
Iam minas toruus procul egit hostis
Ite: periuris lacrymatus olim,
Abstinet armis.

Ille, sudata comes ille laudis
Palladi sacras Honor ambit ades:
Vnde regali stetit erudita
Vertice laurus.

Ambit

*Ambit impubes imitata flammam
Dulcè ridentis Pietas sereni;
Ambit illimi benè feriatas
Pectore candor.*

*Hic crocus circum, violaq; mollem
Adstrepunt auram, tepor hic odorâ
Voluitur nardo, viridemq; claudunt
Lilia pompam.*

*Quâ lagelorum manus usitatas
Aureo latè pluit imbre gazas:
Quâ dein nexa viruere lauro
Virgine palma.*

*Nec tamen rectè sapuisse paruum;
Laurus augusta dominata fronti,
Vendicat nomen, viret illa magno
Vertice maior.*

*Imperii fulcrum, est sapiens. abena
Mobili vento iacuerè turres.
Cui potens, Rex est ratio, hic perenne
Durat in eum.*

*Nam licet multo pretiosus auro,
Diuitem latè moderetur Hermum:
Longa, ni stultus vetet esse, mundo
Fabula serper.*



XXXV.

E Q V E S

Lithuanus Apollinem Academicum &
Amphionem inuitat, vt GLORIÆ SERENISSIMORVM

S P O N S O R V M

Æternam cantu suo Arcem struant.

*Sl quando, facili nunc age murmure
Sl n carmen resonent, doctaq; garrulum
Latè fila sono distribuunt ebur,*

Magnum fracta per aëra.

*Sic, quæcunq; cauis nubibus æmulum
Immersère caput culmina, & asperis
Decertata Notis Regna Decemplici*

Inuasère cacumine,

Surdis accipient carmina rupibus:

Sic murus positâ duritie silex,

Et pronis salient marmora montibus,

Et fractis scopuli petris.

Et quæ difficiles artificem pati

Exurgunt lapides, quæq; minacibus

Formidatus hiat faucibus, & Stygem

Ructat Tenarus intimam:

Quæ duram Pario monte lapis niuem

Attollit, liquido vel super aëre

Massilusue Silex, quæq; nimis, vagis

Alpes nubibus obuiant.

En iam quanta ruunt, quotuè sequacibus

Repunt saxa iugis! Eia, agite huc citos

Maturate gradus, quæ positus rudi

Campus planitie iacet

Hic alio

Hic alto indomitos ducite culmine
Muros, hic socio robore pertinax,
Septenam replicet Tenarius lapis
Grandi mole superbiam:
Hic ducto Parius pariète stet silex,
Occurrantq; vagis latè Aquilonibus
Turres, è Phrygijs hospita quas iugis
Mittant saxa sub æthera.
Arx (quid plura moror?) surgat, abeneo
Quam nullus tonitru rumpat, & aspera
Quamuis continuis terribile undiq;
Frendant bella molaribus.
Ducat perpetuos Gloria Principis
Hic inuicta dies, cumq; alijs graui
Incumbet senium pondere, stet benè
Inuictò ardua robore.

XXXVII.

SERENISSIMÆ SPONSÆ TABVLA LATRVNCV- LARIA *Ducatus MARCHIÆ & Sereñ^m* *SPONSI Insigne.*

D. D.

NE esset, qui aliquid in publico totius
Poloniæ plausu, Tibi ad hilaritatem
non laborasse videatur PRINCEPS
Serenissima, ABACVS iste atq; Tabu-
la Ser^m SPONSI Tui, ad Nuptialem Pompam ac-
cessit. Inuitari Te in æmulationem victoriæ pu-
tabis, sed pari iam stetitis campo; vterque victi,
quia Sponsi; victores vterque, quia Principes. Pul-
chrum sanè oculis Tuis in Tabulâ hac spectaculû,
SERENISSIMVM PRINCIPEM Tuum! Quan-
tus sit, hinc agnosces; quanquam maior sit, quàm
vt totus in quascunq; eloquentiæ angustias narra-
tione veniat. Quæ enim narratio istum dicer, qui
toti Imperio Rom: copiosa est Historia? In cõmu-
nionem similitudinis vocare non dubito Tabulam
& Rempublicam; lusorem & Principem. Lusus
enim Principum, est ordinare Remp: , & velut in
tabula ciues cogitatione pertrânsire ad emendan-
dam securitatem. Tunc prudenter ludunt Princi-
pes, vbi in Republicâ Cõcordia, & in ciuibus mens
Principis. Memorabiles mihi illæ Prouinciæ, quæ
Regum suorum facies à pennicillo acceptas singulis
urbibus conseruant, gloriosiores futuræ si imita-
tione

tione in se trāsfluidissent. Non erubescet certè Neo-
 burgum ferre Tabulam, quia quod à prudentissimo
 PRINCIPE discat inueniet. Nam si scholæ sunt
 Regna & Respublicæ; exitus rerum cognoscere,
 consilijs erudire, ad gloriam instruere, Regū Prin-
 cipumq; Magisterium est. Tantus Princeps vt Tu-
 us esset; omnis Fortuna calculum in tabulam ie-
 cisse videtur, dum felici fædere conueniunt vm-
 bra & claritas. Sed & in hoc quoq; quid lateat, ex
 umbra liberalius prospicies. Campus Martius est,
 in quo nisi funera, gloria non est: Eclipsis hosti-
 um, splendor Principum, qui pulchrius lucet ad te-
 nebras. Tibi seruetur hæc Tabula SERENISSIMA
 PRINCEPS, quæ Marte Polono genita, inter tri-
 umphos & hostium clades enutrita, illi soli debe-
 baris, qui Te quasi in tabulâ Apellæâ, omnibus ani-
 mi corporisq; Gratijs cinctam, vti ANNAM, &
 singulari castimonix Puritate illustrem, vti CA-
 THARINAM, & incredibili demum Martij Vi-
 rilisque pectoris firmitate præditam, vti CON-
 STANTIAM, in oculis ferret.

XXXVIII.

ΕΙΣ ΤΟΝ ΑΒΑΚΑ ΜΑΡΚΙΚΟΝ.

ΕΝΘΑ ΤΙΧΗ ΝΙΚΗΣ ΚΑΛΙΑΝ ΠΡΟΣΕΠΗΕΑΤΟ ΔΟΜΝΟΥ,
 ΜΗΠΟΘΕ ΜΗ ΜΑΤΗΝ ΠΙΠΤΕΝ ΑΒΑΞΙ ΚΥΒΟΣ.

Idem.

Hic fortunatum fixit Victoria nidum,
 Cui nunquam illufit Teflera, & hic Abacus.

O

XXXIX.

XXXIX.

E Fortunatis Ser^{morum} PRINCIPVM
Nuptijs ingens vtriusq; Patriæ, gaudij,
lætitiæ, & fortunarum omni-
um augmentum.

*Q*ua me videntem Sarmatici rapit
Imago regni? qua mihi regia
Creuere moles; ut Superbis
Porticibus subeo, Arcibusq;
O! ut refixo magna Palatia
Ardent ab auro! ridet amenior
Vultus Polonia, ipsa Regni
Purpureo viret aula fastu
Ingens videri! Iam placide ad sonum
Voces laborant, & Lechici mine
Risere Martis, pallidamq;
Lætitiæ dedit ira frontem.
Spectate plausus! ut veniant graues
Reges triumphis; ut venientibus
Praludit horror, dum caua ara
Artifici reboant tonitru!
At quo responsat clamor ab angulo
Et par resistit? Cantibus accinit,
Plauditq; plaudenti, triumphis
Luce pari recitat triumphos.
Audite! nunquid non Neoburgicus
Respondet orbis? dulcisono fluunt
Tenore voces,, nuptiale
Terra canit, canit aura carmen.

Sic ad

Sic ad suorum fœdera Principum,
 Et ipsa nubunt Regna sibi, sibi
 Et ipsa iurant: sempiternum
 Compositis repetendo dextris
 Nexum. Et sua iam fert Neorburgicus
 Apollo sponsæ nobile Regij
 Ludi pauimentum: suiq;
 Dona domus potiora SPONSI,
 Luditq; totis plauditur aris,
 Cæli triumphum vocibus assonant,
 Vocesq; cælis, & merenti
 Cuius Hero canit ipse laudes.
 Illustre magni Principis otium,
 In ordinandis ludere ciuibus,
 Et mentis excelsæ labores
 Imperij vigilare curis.
 Quodcunq; retro est prospicit, & suo
 Pro ciue Princeps Sollicitus vigil,
 Primus periculis obuiando,
 Ne timeant, timet ipse cunctis.
 Tanto beatam Principe Principem!
 Et digna tantis munera Nuptijs!
 Ut ponat æternum Poëta
 In tabula: Tuus est amico
 Cum Ciue Princeps. Hic tibi faustitas
 Æterna scribat secula. Secula
 Beata Saturno: beatis
 Principibus reditura SPONSIS.

X L.

AD SER^{MVM} PRINCIPEM

WOLFGANGVM VIL

HELMVM Comitem Palatinum Rhe-
ni, Ducē Bauariæ, Iulix, Cliuix, Mötium;
Comitē in Veldentz, Spanheim, Marchia,
Rauensburg & Mœhrs, Dominum in Rauēn-
stein, &c. Ser^{mi} SPONSIParentem, de felici quon-
dam ad Ecclesiam reditu, deq; auspiciatissimis

FILII cum Ser^{ma} Poloniæ Principe

N V P T I I S,

GRATVLATIO.

NON vna Nomen BOIARIE tuum,
Vultusq; Aurum puluere Martio
Pulchrè indecoros, & meantes
Secula per, populosq; ceras;
Laurusque, Martisque inter adoras,
Sagoque demessam segetem, aureos
Togæ labores, & supremas
Pontificum Procerumq; mitras
VOLFGANGE seruat. Nam tenebras simul,
Islebranis quas Tibi nox plagis
Affudit, exinēti. Tuamque
Festus Hymen Sobolem Polonæ
Iunxit Dianæ; non ita Cynthius
Sororque Cynthi, regna per, & domos
Florentis Europæ, & natantes
Euganeo Siculoq; terras
Partitur ignes, nec sua circinat
Immanis Arctos sidera latius,
Quàm fusa ubiq; latè spargit
FAMA Tui radios honoris.]

Audiris.

Audiris, & quā Te Latiis diu
 Echo repercussa occinit Alpibus;
 Et quā frementes inquietant
 Carpathon atq; Heliconæ venti.
 Audiris, & quā Villia Patrios
 Montesq; Lucosq; increpat asperis
 Clamosus vndis: & quā Iberas
 Bætis agit violentus vndas
 Redditq; Ponto. Sed tamen omnibus
 Antestat Albis; qui socios vocat
 Rheniq; Danubiq; fluctus,
 Inq; Tuas animasse laudes
 Vicina gaudet Numina Fontium,
 Leuesq; Faunos, atq; Alemannidum
 Choros Dearum, siue montes
 Siue cauas habitare quercus
 Lucosq; malint; siue epulas rudes
 Cultusq; agrestum, donaq; rustica
 Ignobilisq; tesqua, magnis
 Urbibus anteferant, agelli.
 Ergo solutis pars manibus Tibi
 Repanda fundent lilia, & vberem
 Nimbum rosarum; pars ligustra
 Colliget, & super alta Rhena
 Mosæuē & Albis littora, vel super
 Lyci fluenta è floribus arduam
 Fingent Columnam. Vbi recentes
 Cum violis hederisq; Acanthi
 In ora, vultusq; curreant Tuos;
 Et (quanquam Olympi ritè curulibus
 Donandus ibis) alterum vltro
 Teuthonibus referant VILHELMVM.
 Effultus ergo mole super noua
 Durabis æternum, & populis sacrum
 Jus, fasq; dices: floridusq;
 Arbitrè ipse oculos manusq;
 Fascesq; habebis nonnisi floridos
 Et sæcla reddes nonnisi florida;
 Tam cultor æqui, quàm seuerus
 Hæreseon scelerumq; vindex.

Sed qui benigno sub Ioue posteri
 Olim sequentur. Te quoq; seculis
 Superstitem volent suis, &
 Parte frui melioris ævi.
 Dicentq; qualis Cæsare fulseris
 Sub FERDINANDO, quâ fidei face
 Lustraris Arcton, cum rebelles
 Mars rigidus quateret Triones.
 Emissa ab Orco cum furialibus
 Alecto cædis verteret omnia;
 Et sæpe stratum, sæpe sternendam
 In furias animaret hydram.
 Cum Tu profanæ bella proteruiz
 Perosus, altâ de sapientiæ
 Mentisq; fide, & arma, & ignes
 Impauido speculatus ausu
 Accensa bello pectora, diuize
 Venâ teneres yberis eloqui
 Flammamq; belli, ipsasq; sæuis
 Excuteres manibus sarissas.
 Nimirum vt olim Tartareas domos
 Ingressus Orpheus, carmine Cerberum
 Clausosq; manes, & Charontem
 Et furias, furiarum & angues
 Mulisse fertur: non minus Orpheo
 WOLFGANGE seris grande nepotibus
 Nomen relinques, barbitoq;
 Tutus Apollineâ, per ipsas
 Dicere flammis isse, per hostiam
 Truces phalangas tela per, & manus;
 Hydramq; flammis, Cerberumq;
 Thræicio domuisse cantu.

